

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
27.05.2021թ. կայացված ԱՖ662831 որոշումն անփոփոխ, իսկ վարչական բողոքն առանց
բավարարման թողնելու մասին

<< 15 >> 06 2021թ. 7-13- 9535

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Կարեն Գևորգյանի ՄԴ/47014-21 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Քանաքեռ - Զեյթուն վարչական շրջանի Գոգոլի փողոցի 5 Ա շենքի 44
բնակարանի բնակիչ Կարեն Գևորգյանը դիմումով խնդրել է բեկանել Ճանապարհային
ոստիկանության վարչական իրավախախտման վերաբերյալ գործով 27.05.2021թ. կայացված
ԱՖ662831 որոշումը՝ նշելով, որ համաձայն չէ որոշմամբ արձանագրված իրավախախտման
հետ: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ
չունի:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 27.05.2021թ. կայացված ԱՖ662831 որոշումը ենթակա է կատարման
հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի
համաձայն՝ տրանսպորտային միջոցների վարորդների կողմից ճանապարհային նշանների
կամ ճանապարհային գծանշումների պահանջները չկատարելը առաջացնում է տուգանքի
նշանակում՝ սահմանված նվազագույն աշխատավարձի հնգապատիկի չափով:

ՀՀ կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> 28.06.2007թ. թիվ 955-Ն որոշման համաձայն 2.4՝ «Զիջեք ճանապարհը»
ճանապարհային նշանի առկայությամբ վարորդը պետք է զիջի ճանապարհը հատող
ճանապարհով, իսկ 8.13՝ «Գլխավոր ճանապարհի ուղղություն» ցուցանակի առկայության
դեպքում՝ գլխավոր ճանապարհով ընթացող տրանսպորտային միջոցներին:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 36-րդ մասի
համաձայն՝ ճանապարհային նշանների պահանջները չկատարելու համար սույն հոդվածի 1-ին
մասով նախատեսված վարչական իրավախախտումն ունի նվազ նշանակություն այն դեպքում,
երբ իրավախախտումն անխուսափելիորեն կատարվել է երթևեկության այլ մասնակցի
գործողության կամ անգործության պատճառով:

Ուսումնասիրությամբ պարզվել է, որ 27.05.2021թ. ժամը 18:50-ի սահմաններում Երևան
քաղաքի Աբովյան փողոցում քաղաքացի Կարեն Գևորգյանի վարած <<SKODA>> մակնիշի
B945HA799 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՊԾ 1-ին սպայական գումարտակի 4-րդ սպայական դասակի տեսուչ,
ոստիկանության ավագ լեյտենանտ Տ.Ավոյանի և նույն դասակի ավագ տեսուչ, ոստիկանության
մայոր Կ.Շահբազյանի կողմից՝ ՀՀ կառավարության <<Ճանապարհային երթևեկության
կանոնները և տրանսպորտային միջոցների շահագործումն արգելող անսարքությունների ու
պայմանների ցանկը սահմանելու մասին>> 28.06.2007թ. թիվ 955-Ն որոշմամբ սահմանված

